



SAKSPAPIR

Saksnr	Utval	Type	Dato
11/2021	Bygdeutviklingsutvalet	PS	11.05.2021

Sakshandsamar	Arkiv	ArkivsakID
Tore Henrik Øye	FE-231	21/533

LØYVING AV BYGDEUTVIKLINGSMIDLAR TIL GJENNOMFØRING AV ARRANGEMENTET "VBUK LAN 2021"

Vedlegg:

Søknad om bygdeutviklingsmidlar - Arrangere VBUK LAN

Kommunedirektøren sitt framlegg til vedtak:

Bygdeutviklingsutvalet i Vaksdal kommune løyver kr. 15 000,- i bygdeutviklingsmidlar til Vaksdal barne- og ungdomskorps, org. nummer 993760277, til gjennomføring av «VBUK LAN» for born og unge i Vaksdal i 2021.

Løyvinga er knytt til leige av føredragshaldar og innkjøp av ulikt utstyr til arrangementet, jf. saksutgreiing.

Vedtaket er fatta med bakgrunn i «Retningslinjer for tilskot til bygdeutvikling». Tilskotet skal takast frå utvalet sine tilgjengelege midlar for 2021.

Tilskotet vert betalt ut med bakgrunn i dokumenterte utgifter. Midlane kan på førespurnad, (del)utbetalast i førekant av gjennomføring.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende.

Bygdeutviklingsutvalet - Sak 11/2021

BYG - Behandling:

Mona Grenasberg, SV stilte spørsmål ved sin habilitet i saka, som mor til deltakar av arrangementet. Utvalet vedtok samrøystes at Mona Grenasberg ikkje er ugild.

Utvalet drøfta saka.

Kommunedirektøren sitt framlegg til vedtak vart samrøystes vedteke.

BYG - Tilråding/Vedtak:

Bygdeutviklingsutvalet i Vaksdal kommune løyver kr. 15 000,- i bygdeutviklingsmidlar til Vaksdal barne- og ungdomskorps, org. nummer 993760277, til gjennomføring av «VBUK LAN» for born og unge i Vaksdal i 2021.

Løyvinga er knytt til leige av føredragshaldar og innkjøp av ulikt utstyr til arrangementet, jf. saksutgreiing.

Vedtaket er fatta med bakgrunn i «Retningslinjer for tilskot til bygdeutvikling». Tilskotet skal takast frå utvalet sine tilgjengelege midlar for 2021.

Tilskotet vert betalt ut med bakgrunn i dokumenterte utgifter. Midlane kan på førespurnad, (del)utbetalast i førekant av gjennomføring.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 500 000,- i tilskotsmidlar til fordeling i 2021.

Vaksdal barne- og ungdomskorps søker om kr. 15 000,- i bygdeutviklingsmidlar til gjennomføring av «VBUK LAN 2021». Arrangementet skal haldast i Turbinen, og det er mogleg å delta digitalt.

Føremålet med tiltaket er å tilby born og unge ein tidsaktuell og etterspurd aktivitet. Målsetjinga er å gjere arrangementet årleg og å kombinere data og korps på ulike måtar. Kurs i streaming vil utgjere ein av aktivitetane.

Midlane det vert søkt om skal nyttast til leige av innleiar og kjøp av diverse utstyr.

Kommunedirektøren finn at søknaden er i samsvar med føremålet til bygdeutviklingsmidlane, og går inn for å løyve kr. 15 000,- til tiltaket.

Bakgrunn for saka

Bygdeutviklingsutvalet har kr. 500 000,- i tilskotsmidlar til fordeling i 2021. Delar av midlane er nytta.

I søknad av 29.03.21 søker Vaksdal barne- og ungdomskorps, v/ Terje Pedersen, om kr. 15 000,- i bygdeutviklingsmidlar til gjennomføring av arrangementet «VBUK LAN 2021» i Turbinen. Midlane skal nyttast til å leige ein kjend Minecraft You-Tuber som føredragshaldar, i tillegg til innkjøp av videolys, utstyr til streaming og liknande.

Føremålet med «VBUK LAN» er å tilby born og unge i Vaksdal kurs i live streaming gjennom kompetente føredragshaldarar. Initiativet er nytt, og målet er å få til årlege LAN-party, der ein prøver å kombinere data og korps på ulike måtar. Unge i dag er opptekne av streaming, og søkjar sin intensjon på sikt, er å få ungdommen sjølv til å overta dette på framtidige arrangement.

Under årets arrangement vert det lagt opp fysisk samling innafor gjeldande koronareglar og krav frå KKL, kombinert med live-stream (deltaking digitalt).

Det går fram av søknaden at barne- og ungdomskorpset har kjøpt inn mykje nytt utstyr til arrangementet, mellom anna for å kunne ha bra live-stream sendingar. Ut over denne økonomiske eigeninnsatsen, vil det bli lagt ned eige arbeid knytt til planlegging og gjennomføring av arrangementet. Omfanget av innsatsen er ikkje spesifisert.

For nærare informasjon om arrangementet vert det vist til søknaden, sjå vedlegg.

Formelt grunnlag:

- Kommunelova - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Det formelle grunnlaget vert handsama under «*vurdering og konsekvensar*».

Vurdering og konsekvensar:

Søknaden vert vurdert å vere i samsvar med tilskotsordninga sine retningslinjer om krav til innhald og kven som kan søkje om midlar (mellom anna friviljuge lag/organisasjonar).

I følgje retningslinjene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høvet kan det gjevast midlar til materiell og utstyr til ulike prosjekt og stader. Det kan òg gjevast stønad til kurs og kompetanseutvikling, men ikkje til drift.

Etter Kommunedirektøren si vurdering, representerer planagt arrangement ein populær og ettertrakta aktivitet, som truleg mange born og unge i Vaksdal vil ha interesse av å vere med på. Arrangementet vert tilrettelagt, organisert og gjennomført av ein ansvarleg arrangør, og initiativet for å utvikle eit tidsaktuelt tilbod for målgruppa, vert sett på som bra og nyttig.

Sjølv om eigeninnsatsen ikkje er spesifisert i søknaden, går det fram at den er vesentleg.

Vurderinga er at planlagt aktivitet er i samsvar med føremålet som bygdeutviklingsmidlane skal fremje.

Retningslinjene om at det skal takast omsyn til geografisk spreiding ved tildeling av midlar, gjer seg mindre gjeldande, sidan tilbodet vil gjelde born og unge i heile kommunen.

På bakgrunn av søknaden sitt innhald, kriteria for løyving av tilskot, tilgjengelege midlar og innkomne søknadar, går Kommunedirektøren inn for å løyve kr. 15 000,- i tilskot til gjennomføring av «VBUK LAN 2021».

